

ք.Երևան

04-ը մարտի 2020թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Մարգարիտա Գրիգորյանի, ով գործում է ընկերության Կանոնադրության հիման վրա, մի կողմից, և

Անհատ ձեռնարկատեր Արթուր Մանուկյանը (այսուհետ՝ Կատարող), մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԸՆԴՀԱՆՈՒՐ ՊԱՅՄԱՆՆԵՐԸ

- 1.1. Սույն Պայմանագրով Կատարողը պարտավորվում է Պատվիրատուի պատվերով Արթինա Մանուկյանի (այսուհետ՝ Երգչուհի) կողմից կատարվող և «Եվրատեսիլ 2020» երգի միջազգային մրցույթի հայաստանյան երգ ընտրված «Chains on you» երգի (այսուհետ՝ Երգ) համար նկարահանել ու մոնտաժել և սույն Պայմանագրով սահմանված կարգով և Կողմերի կողմից համաձայնեցված ձևաչափով և եղանակով Պատվիրատուին հանձնել 3 (երեք) րոպե տևողությամբ տեսահոլովակ (այսուհետ՝ Տեսահոլովակ) (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց՝ սույն Պայմանագրով սահմանված կարգով, չափով և ժամկետում:
- 1.2. Սույն Պայմանագրով սահմանված Ծառայությունները ներառում են նաև Տեսահոլովակի նկարահանման և մոնտաժման համար անհրաժեշտ և բավարար բոլոր նախապատրաստական աշխատանքները:
- 1.3. Տեսահոլովակը պետք է համապատասխանի հետևյալ բնութագրին. Տեսահոլովակը պետք է բաղկացած լինի 5-8 (հինգից ութ) տեսարաններից, որոնցում պետք է օգտագործվեն դեկոր, լուսային հատուկ էֆեկտներ և ներգրավվեն թվով 16 (տասնվեց) պարողներ: Յուրաքանչյուր պարող պետք է հանդես գա 2 (երկու) տեսակի հագուստով, իսկ Երգչուհին՝ 3 (երեք) տեսակի հագուստով՝ տեսարաններում ոճային բազմազանություն ապահովելու համար: Տեսահոլովակը պետք է համապատասխանի շուկայի ժամանակակից միտումներին և տեխնիկական պահանջներին:
- 1.4. Տեսահոլովակի նկատմամբ բոլոր բացառիկ գույքային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանում են Պատվիրատուին: Սույն կետով նախատեսված իրավունքները ծագում են Կողմերի միջև համապատասխան հանձնման-ընդունման ակտի ստորագրման պահից:
- 1.5. Կատարողը երաշխավորում է, որ Տեսահոլովակը կպատրաստի առանց անօրինական ներգործության կամ այլ ստեղծագործությունների անօրինական օգտագործման, այդ թվում՝ հանրահայտ և հանրամատչելի, և որ դրանց ստեղծման ժամանակ չեն օգտագործվի մտավոր գործունեության այնպիսի արդյունքներ, որոնք ստեղծվել կամ ստեղծվում են այլ պատվիրատուների համար, բացառությամբ այն դեպքերի, երբ այդպիսի օգտագործումն օրենքով սահմանված կարգով համաձայնեցված է իրավատերերի հետ և չի խախտում երրորդ անձանց իրավունքները:
- 1.6. Տեսահոլովակում Կատարողի կողմից օգտագործվող հեղինակային իրավունքի և հարակից իրավունքների օբյեկտների օգտագործման իրավաչափության համար պատասխանատվությունը կրում է Կատարողը:
- 1.7. Կատարողն ապահովում է իր հաշվին երրորդ անձանցից բոլոր անհրաժեշտ համաձայնությունների, թույլտվությունների ձեռքբերումը, և (կամ) նրանց հետ պայմանագրերի ստորագրումը և այլ անհրաժեշտ գործողությունների իրականացումը, որը պահանջվում է կիրառելի օրենսդրությամբ Տեսահոլովակի նկատմամբ բոլոր գույքային իրավունքների, ներառյալ՝ հեղինակի բոլոր գույքային իրավունքները, սույն Պայմանագրի համաձայն Պատվիրատուին փոխանցելու համար:
- 1.8. Կատարողը պարտավոր է ապահովել Տեսահոլովակի համապատասխանությունը ՀՀ քաղաքացիական օրենսգրքի, «Հեռուստատեսության և ռադիոյի մասին» ՀՀ օրենքի, «Գովազդի մասին» ՀՀ օրենքի, «Հեղինակային և հարակից իրավունքների մասին» ՀՀ օրենքի և այլ կիրառելի իրավական ակտերի պահանջներին:

- 1.9. Կողմերն արձանագրում են, որ Երգի նկատմամբ բոլոր բացառիկ գույքային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանում են Պատվիրատուին, և սույն Պայմանագրով Կատարողի կողմից Երգի համար Տեսահոլովակի պատրաստումը որևէ կերպ չի ենթադրում Երգի՝ սույն կետով նշված իրավունքների Կատարողին փոխանցում կամ որևէ կերպ օտարում կամ օգտագործման տրամադրում, բացառությամբ այն իրավունքների, որոնք ողջամտորեն անհրաժեշտ են և բավարար Կատարողի կողմից սույն Պայմանագիրը կատարելու համար:
- 1.10. Սույն Պայմանագրով սահմանված Ծառայությունները մատուցվում են 2020թ.-ի մարտի 05-ից մինչև 2020թ.-ի մարտի 12-ը ներառյալ:
- 1.11. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները, համաձայնությունները և միջոցները:

2. ՏԵՍԱՀՈԼՈՎԱԿԻ ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

- 2.1. Սույն Պայմանագրով նախատեսված Տեսահոլովակը Կատարողը սույն Պայմանագրով սահմանված կարգով և Կողմերի կողմից բանավոր համաձայնեցված ձևաչափով և եղանակով Պատվիրատուին է ներկայացնում ոչ ուշ, քան սույն Պայմանագրով Ծառայությունների մատուցման համար սահմանված ժամկետի վերջին օրը, եթե Կողմերի միջև այլ ժամկետ համաձայնեցված չէ:
- 2.2. Տեսահոլովակը ստանալուց 2 (երկու) աշխատանքային օրվա ընթացքում Պատվիրատուի ներկայացուցիչը ստուգում է Տեսահոլովակի սցենարի, տեխնիկական չափանիշների համապատասխանությունը Կատարողի հետ ձեռքբերված համաձայնություններին:
- 2.3. Ծառայությունների հանձնում-ընդունումն արձանագրվում է Կատարողի կողմից ներկայացվող հանձնման-ընդունման ակտի հիման վրա: Հանձնման-ընդունման ակտի հետ միասին Կատարողը Պատվիրատուին է ներկայացնում նաև իր կողմից հաստատված հաշիվ-վավերագիրը:
- 2.4. Սույն Պայմանագրի 2.2 կետին համապատասխան Տեսահոլովակի սցենարի, տեխնիկական չափանիշների ստուգման արդյունքում թերություններ չհայտնաբերելու դեպքում Պատվիրատուի ներկայացուցիչը հաստատում է հանձնման-ընդունման ակտը և հաշիվ-վավերագիրը:
- 2.5. Սույն Պայմանագրի 2.2 կետին համապատասխան Տեսահոլովակի սցենարի, տեխնիկական չափանիշների ստուգման արդյունքում թերություններ հայտնաբերելու դեպքում, Տեսահոլովակը Պատվիրատուի կողմից չի ընդունվում, Պատվիրատուն տեղեկացնում է Կատարողին թերությունների մասին, որոնք ենթակա են վերացման ողջամիտ ժամկետում և/կամ ձեռնարկում սույն Պայմանագրով և ՀՀ օրենսդրությամբ նախատեսված այլ միջոցներ:
- 2.6. Այն դեպքում, եթե Պատվիրատուն սույն Պայմանագրի 2.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթվով և Պատվիրատուն պարտավորություն է կրում հաստատելու Կատարողի ներկայացրած հաշիվ-վավերագիրը և վճարելու դրանով նախատեսված գումարը:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 3.1. **Պատվիրատուն իրավունք ունի՝**
 - 3.1.1. Օգտագործել Տեսահոլովակը սեփական հայեցողությամբ, ինչպես նաև երրորդ անձանց արգելել կամ թույլատրել օգտագործել Տեսահոլովակը՝ ՀՀ օրենսդրությամբ չարգելված ցանկացած եղանակով,
 - 3.1.2. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
 - 3.1.3. Հետևել Ծառայությունների մատուցման ընթացքին և որակին՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
 - 3.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
 - 3.1.5. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև Ծառայություններն ընդունելիս,
 - 3.1.6. Միակողմանիորեն լուծել սույն Պայմանագիրը և Կատարողից պահանջել հատուցել Պատվիրատուին պատճառված վնասները՝ ներառյալ բաց թողնված օգուտը, եթե՝

- I. Կատարողը խախտել է սույն Պայմանագրով Տեսահոլովակի համար սահմանված բնութագիրը և ողջամիտ ժամկետում իր հաշվին չի շտկել նշված թերությունը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
- II. Կատարողը սույն Պայմանագրով սահմանված ժամկետում չի ներկայացրել Տեսահոլովակը,
- III. Կատարողն այլ կերպ թույլ է տվել սույն Պայմանագրի էական խախտում:

3.2. Պատվիրատուն պարտավոր է՝

- 3.2.1. Ողջամտության սահմաններում Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, նշանակել Պայմանագրի կատարման համար պատասխանատու կոնտակտային անձ, ով Կատարողի հետ կհամաձայնեցնի Տեսահոլովակի փոխանցման ձևաչափը և եղանակը և սույն Պայմանագրի պատշաճ կատարման համար անհրաժեշտ այլ հարցեր, Կատարողի ներկայացուցիչներին տրամադրել Պատվիրատուի տարածք մուտք գործելու հնարավորություն, ապահովել Տեսահոլովակի նկարահանման համար անհրաժեշտ տաղավարներից մեկը (Պատվիրատուի АСБ-1) և այլն,
- 3.2.2. Սույն Պայմանագրով նախատեսված կարգով և ժամկետում ընդունել սույն Պայմանագրին համապատասխան Կատարողի կողմից պատրաստված Տեսահոլովակը, իսկ թերություններ հայտնաբերելու դեպքում՝ այդ մասին հայտնել Կատարողին,
- 3.2.3. Վճարել Կատարողին պատշաճ մատուցված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.3. Կատարողն իրավունք ունի՝

- 3.3.1. Ողջամտության սահմաններում Պատվիրատուից պահանջել ապահովել իրեն սույն Պայմանագրի կատարման համար անհրաժեշտ բոլոր պայմաններով,
- 3.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 3.3.3. Պատվիրատուից պահանջել վճարել իր կողմից սույն Պայմանագրի պայմաններին համապատասխան ընդունված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.4. Կատարողը պարտավոր է՝

- 3.4.1. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ՝ Տեսահոլովակի գաղափարի, ներգրավված մասնակիցների, Տեսահոլովակի հեռարձակման ենթադրյալ ժամկետի կամ Տեսահոլովակին նկարահանման գործընթացից, ինչպես նաև վերաբերյալ, չիրապարակել կադրեր Տեսահոլովակին նկարահանման գործընթացում աշխատանքային, երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը,
- 3.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ: Սույն կետի իմաստով երրորդ անձ է համարվում Կատարողի կողմից սույն Պայմանագրով սահմանված Ծառայությունների կամ դրա առանձին գործողությունների պատվիրակման դեպքում որպես կողմ հանդես եկող կոնտրագենտ(ներ): Սույն կետի իմաստով երրորդ անձ չեն համարվում սույն Պայմանագրի Հավելված 1-ում նշված անձնակազմի ներկայացուցիչները:
- 3.4.3. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,
- 3.4.4. Ծառայությունները մատուցել ամբողջությամբ, իսկ արդյունքները Պատվիրատուին հանձնել՝ սույն Պայմանագրով սահմանված ժամկետում և կարգով,
- 3.4.5. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 3.4.6. Աջակցել Պատվիրատուին Ծառայությունների մատուցման ընթացքը և որակը ստուգելիս, սույն Պայմանագրի 3.1.3 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել

Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,

- 3.4.7. Աջակցել Պատվիրատուին Ծառայություններն ընդունելիս,
- 3.4.8. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման արդյունքներում հայտնաբերված թերությունները,
- 3.4.9. Որևէ ձևով չօգտագործել Տեսահոլովակը կամ դրա մասը, ինչպես նաև երրորդ անձանց չտրամադրել նման օգտագործման թույլտվություն՝ առանց Պատվիրատուի նախնական գրավոր համաձայնության,
- 3.4.10. Ամբողջությամբ հատուցել Տեսահոլովակի պատրաստման ընթացքում իր կողմից երրորդ անձանց հեղինակային իրավունքի և հարակից իրավունքների կամ ՀՀ օրենսդրության այլ պահանջների խախտման հետևանքով Պատվիրատուի կրած բոլոր վնասները՝ ներառյալ բաց թողնված օգուտը:

4. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 4.1. Սույն Պայմանագրով նախատեսված Տեսահոլովակի պատրաստման ընդհանուր արժեքը համաձայն սույն Պայմանագրի Հավելված 1-ով սահմանված նախահաշվի կազմում է 7 755 300 (յոթ միլիոն յոթ հարյուր հիսունհինգ հազար երեք հարյուր) ՀՀ դրամ՝ ներառյալ բոլոր կիրառելի հարկերը:
- 4.2. Սույն Պայմանագրի 4.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ հետևյալ ժամանակացույցով.
 - 1 000 000 (մեկ միլիոն) ՀՀ դրամ՝ որպես կանխավճար՝ մինչև 2020թ.-ի մարտի 06-ը,
 - Ընդհանուր արժեքի մնացած մասը՝ հանձնման-ընդունման ակտի և հաշիվ-վավերագրի երկկողմանի հաստատվելուց 15 (տասնհինգ) աշխատանքային օրվա ընթացքում:
- 4.3. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.4. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի պահանջով Կատարողն իր հաշվին, իր միջոցներով և Պատվիրատուի կողմից սահմանված ողջամիտ ժամկետում պարտավոր է վերացնել մատուցված Ծառայություններում իր մեղքով տեղ գտած թերությունները: Նշված թերությունները Պատվիրատուի սահմանած ողջամիտ ժամկետում չվերացվելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 20 (քսան) տոկոսի չափով, պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարած ծախսերի և բաց թողնված օգուտի հատուցում և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.3. Տեսահոլովակը հանձնելու սույն Պայմանագրով սահմանված ժամկետը խախտելու դեպքում Պատվիրատուն իրավունք ունի Կատարողից գանձել տույժ՝ կետանցի յուրաքանչյուր օրվա համար Ծառայությունների ընդհանուր արժեքի 0,5 (գրո ամբողջ հինգ տասնորդական) տոկոսի չափով և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.4. Սույն Պայմանագրի 5.2. կետով նախատեսված տուգանքը, ինչպես նաև 5.3. կետով նախատեսված տույժը, կարող է հաշվարկվել և հաշվանցվել Կատարողին վճարման ենթակա գումարներից:
- 5.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար վճարման ենթակա գումարի 0,1 (գրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.6. Կատարողը պարտավոր է Պատվիրատուին գերծ պահել երրորդ անձանց կողմից Պատվիրատուին ներկայացված ցանկացած այնպիսի պահանջից, վեճից, հայցից, որոնք Կատարողի կողմից սույն Պայմանագրով նախատեսված պարտականությունների կամ երաշխիքների խախտման արդյունք են, ինչպես նաև հատուցել նման պահանջի, վեճի կամ հայցի արդյունքում Պատվիրատուին պատճառված բոլոր վնասները՝ ներառյալ բաց թողնված օգուտը:
- 5.7. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:

- 5.8. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրի եղելը, հրդեհը, երկրաշարժը, փոթորիկը, սողանքը և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, էմբարգոն, սույն Պայմանագրի էական պայմանները կարգավորող օրենսդրության փոփոխությունները, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պայմաններով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասը) աշխատանքային օրվա ընթացքում ծանուցի մյուս Կողմին նման իրավիճակի առաջացման, իսկ հետագայում նաև՝ բնականոն պայմանների վերականգնման մասին, հակառակ դեպքում կգրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:
- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար բնականոն պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է) և Պայմանագրի պայմանների կամ դրանց մի մասի ՀՀ օրենսդրությամբ պարտադիր հրապարակման դեպքերի, գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրած գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև դրան հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵՋՐԱՓՈՒԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Առկայության դեպքում, սույն Պայմանագրով նախատեսված հիմնական միջոցները, որոնք ձեռք են բերվում Կատարողի կողմից սույն Պայմանագրով նախատեսված Ծառայությունների մատուցման համար, անցնում են Պատվիրատուի սեփականությանը՝ սույն Պայմանագրով նախատեսված Ծառայությունների մատուցման ավարտին Կողմերի միջև ստորագրվող հանձնման-ընդունման ակտի հիման վրա:
- 8.3. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.4. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.5. Սույն Պայմանագրի Հավելված 1-ը հանդիսանում է սույն Պայմանագրի անբաժանելի մասը:
- 8.6. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ

- ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.7. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի ներկայացուցիչների կողմից:
- 8.8. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված հիմքերով և կարգով, ինչպես նաև Կողմերի փոխադարձ համաձայնությամբ: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցելու Պայմանագրի վաղաժամկետ լուծման հետևանքով Պատվիրատուին պատճառված վնասները՝ ներառյալ բաց թողնված օգուտը:
- 8.9. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
- 8.10. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.11. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.13. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ
 Հասցե՝ ՀՀ, ք.Երևան, Գ.Հովսեփյան 26
 ՀՎՀՀ՝ 01540062
 «Արդշինբանկ» ՓԲԸ
 Հ/Հ՝ 2470102796740000

Կատարող
Ա/Ձ Արթուր Մանուկյան
 Հասցե՝ ՀՀ, ք.Երևան, Ծարավ Աղբյուր 55/20, բն.60
 ՀՎՀՀ՝ 25440867
 «Արդշինբանկ» ՓԲԸ
 Հ/Հ՝ 2479400452110000

Մարգարիտա Գրիգորյան
 Գործադիր տնօրեն



Արթուր Մանուկյան



ՆԱԽԱՀԱՇԻՎ

«Chains on you» անվանմամբ երգի տեսահոլովակի նկարահանման և մոնտաժման ծախսերի

N	Անվանում	Չափման միավորը	Քանակը	Միավորի գումարը, ներառյալ հարկերը, ՀՀ դրամ	Ընդամենը գումարը, ներառյալ հարկերը, հազ. ՀՀ դրամ
Անձնակազմի վարձարության ծախսեր					
1	Ռեժիսոր	անձ	1	800,000.0	800.0
2	Օպերատոր	անձ	1	250,000.0	250.0
3	Վարսահարդար	անձ	2	50,000.0	100.0
4	Դիմահարդար	անձ	2	50,000.0	100.0
5	Նկարիչ	անձ	1	150,000.0	150.0
6	Խորեոգրաֆ	անձ	1	300,000.0	300.0
7	Պարային խումբ	անձ	16	50,000.0	800.0
8	Լուսավորող	անձ	1	110,000.0	110.0
9	Focus puller	անձ	1	50,000.0	50.0
10	Ռադիոֆոնյուս	անձ	1	20,000.0	20.0
11	Մոնտաժ և գունարաջխում	անձ	1	300,000.0	300.0
12	Նկարահանումների տնօրեն	անձ	1	300,000.0	300.0
	ԸՆԴԱՄԵՆԸ				3,280.0

N	Անվանում	Չափման միավորը	Քանակը	Միավորի գումարը, ներառյալ հարկերը, ՀՀ դրամ	Ընդամենը գումարը, ներառյալ հարկերը, հազ. ՀՀ դրամ
Վարձակալության ծախսեր					
1	Լուսային սարքավորումներ	օր	1	200,000.0	200.0
2	Տեսախցիկ-Arri Alexa	օր	1	250,000.0	250.0
3	Քարշակ	օր	1	80,000.0	80.0
4	Կռունկ	օր	1	110,000.0	110.0
5	Նկարահանման տաղավարի վարձակալություն	օր	1	120,000.0	120.0
	ԸՆԴԱՄԵՆԸ				760.0

Այլ անհրաժեշտ ծախսեր

N	Անվանում	Չափման միավորը	Քանակը	Միավորի գումարը, ներառյալ հարկերը, ՀՀ դրամ	Ընդամենը գումարը, ներառյալ հարկերը, հազ. ՀՀ դրամ
1	Նկարահանման տարածքի դեկորատիվ ձևավորում	ծառայություն	1	1,200,000.0	1,200.0
2	Բեմական հագուստ	հատ	35	37,500.0	1,312.5
3	Պարային խմբի դիմակներ ու գլխարկներ	հատ	16	10,000.0	160.0
4	Ծանր ծուխ	ծառայություն	1	200,000.0	200.0
5	Սենդի ապահովման ծախսեր	անձ	30	6,000.0	180.0
6	Տրանսպորտային ծախսեր	ծառայություն	1	40,000.0	40.0
	ԸՆԴԱՄԵՆԸ				3,092.5

Այլ չնախատեսված ծախսեր

N	Անվանում	Չափման միավորը	Քանակը	Միավորի գումարը, ներառյալ հարկերը, ՀՀ դրամ	Ընդամենը գումարը, ներառյալ հարկերը, հազ. ՀՀ դրամ
1	Այլ չնախատեսված ծախսեր				235.0
	ԸՆԴԱՄԵՆԸ				235.0

	ԸՆԴԱՄԵՆԸ				7,367.5
	Շրջանառության հարկ				387.8
	ԸՆԴԱՄԵՆԸ				7,755.3

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ
Հասցե՝ ՀՀ, ք.Երևան, Գ.Հովսեփյան 26
ՀՎՀՀ՝ 01540062
«Արդշինբանկ» ՓԲԸ
Հ/Հ՝ 2470102796740000

Կատարող
Ա/Ձ Արթուր Մանուկյան
Հասցե՝ ՀՀ, ք.Երևան, Ծարավ Աղբյուր 55/20, քն.60
ՀՎՀՀ՝ 25440867
«Արդշինբանկ» ՓԲԸ
Հ/Հ՝ 2479400452110000

Մարգարիտա Գրիգորյան
Գործադիր տնօրեն



Արթուր Մանուկյան